



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1351 usque ad annum 1414

Fleury, Claude

August. Vind. [u.a.], 1768

VD18 90118278

§. 20. Conspiratio in Urbanum.

[urn:nbn:de:hbz:466:1-66293](#)

vestris non habebitis conciones ante solemnne sacrum, cui prima diei parte adef-
se Christiani solent in templo suæ parœciæ: nec ibi verba facietis, præterquam invitante, aut saltem permittente Parocho. Quo die ad populum dicet Episcopus ipse, aut pro eo quidam alias, non audebitis idem agere in eadem urbe, aut loco. Sicui parœco sepulturam dabitis, ejus Curioni aut Episcopo, etiam si neuter postulet, ex decreto Papæ Gregorii, ac pro more recepto dimidiā, aut tertiam, vel quartam partem eorum omnium, quæ hanc ob causam acceperitis, intra dies octo tradetis. Dabat Neapoli 21 Nov. 1384.

§. XX.

Conspiratio in Urbanum.

Cardinales, & Aulici ob visam Urba-
num inter ac Regem discordiam ma- Th. Niem
c. 41.
gnopere metuentes, ne in terris hujus
Principis non securi viverent, orabant
Papam, ut vel amicitiam cum Carolo
firmam jungeret, vel Romam, aliamve
Italiæ partem extra regnum sitam, &
aulæ suæ idoneam, tutamque peteret:
sed operam ludebant. Tum Cardinalis
Reatinus Montis Cassini Abbas Petrus
Tartarus Neapoli commorans, sed cum
Cardinalibus quibusdam Nuceriæ ver-

Sæcul. XIV.
A. C. 1284.

santibus conspirans ex composito in Consilium adhibuit Bartolinum Placentinum in Romana Curia Procuratorem, virum audacem, ac ingeniosum: qui hanc proposuit quæstionem: Si Papa nimis negligens, aut imperitandi parum peritus eset; si judicii sui tenacissimus omnia ex voluntate sua inconsultis Cardinalibus faceret; denique si per malam agendi rationem suam Ecclesiæ universæ periculum conflaret: an non liceret Cardinalibus sua per suffragia illi unum pluresve Curatores dare, quorum de sententia expedire negotia cuncta teneretur? Duodecim hujusmodi quæstiones movebat Bartolinus, & affirmante pro sententia rationes multas afferebat: sed post examen accuratum nihil hac de materia statutum est.

Rayn. n. 3.

Interim Cardinalis Manupellius ex familia Ursinorum Papæ hanc consultationem secreto denunciavit, quin etiam ejusdem puncta exhibuit. Furebat iste; ac paulo post, cum Cardinales rei confici venissent in senatum, simul ac is finitus erat, sex e doctissimis retinuit. En ea, quæ Papæ de illorum conspiratione dicta fuerant!

Certo senatus die, dum adibunt arcem, præcedere jubebunt duodecim domesticos arma sub longis vestibus tecta gerentes. Postquam congregati fuerint;

com-

commoto subito tumultu correptum Pa- Secul. XIV.
A. C. 1385.
pam ex arce in subjectum S. Francisci templum per vim deducent. Ibi certas quæstiones proferent, ad quas ut respon-
sa reddat, instabunt: & quidquid repo-
suerit, aut si responderit nihil, produ-
cti testes falsi objecta omnia confirma-
bunt. Tum Cardinales conjurati damna-
tum hæresis Papam pronunciata totius
nomine Collegii sententia statim suppli-
cio ignis affident. Habent pro certo
Cardinales reliquos facinoris expertes id
probatueros esse metu Regis Caroli, vel
ob spem vivendi liberius; cunctosque si-
mul facturos alium Papam jam decretum.

§. XXI.

*Sex Cardinales in carcerem mit-
tuntur.*

Esequendo huic proposito conjurati de-
stinaverant Idus Januarias anni 1385.
At undecima mensis Urbanus accito ne-
poti suo Francisco Prignano clam indi-
catis illorum consiliis ajebat fore, ut sena-
tum bidui spatio prius, scilicet ea ipsa die
haberet: mature proin de suorum nume-
ro viros probe armatos ipsi subministra-
ret. Postquam venerant Cardinales, di- Vitæ to. 13
missis reliquis vocatos in suum conclave p. 1332.

reos de conspiratione interrogabat: sed
inficias ibant cuncti. Igitur eos suo ne-

Bb 5 poti